


佛本行集經

第二十四

二百九十八  
業四

49729



佛本行集經卷第二十四

隋天竺三藏法師闍那崛多譯

勸受世利品下

尔時菩薩又告王言如王前說仁者比丘身體柔軟莫住蘭若空閑林中眠卧坐止草鋪之上大王當知我在自宮以妙種種諸寶爲床偃亞而坐既厭離已棄捨出家所以者何大王須識此身危脆敗壞無常非牢固形是破散法隨有地處捨之而行猶如泥揣一種無異又復大王若有智人既擲死屍可還拾不若欲更收終無是處

又復大王如王前言若於我邊生憐愍者應

須隨喜而勿嫌我乞食活命此事不然大王  
當知慈愛我者莫作是心何以故我今欲過  
生老病死苦患之海行行入道是故作此比  
丘之形爲求寂滅安樂處故要須受此毀好  
服形又未來世欲除一切諸過患故大王當  
知若復有人於現在世受彼五慾功德果報  
染著於愛彼等諸人事須憐愍若當有人於  
現世中不得寂定安樂之心其未來生決受  
諸苦彼等衆生心須憐愍

又復大王我今驚畏煩惱之苦故捨出家欲  
求寂定涅槃真實假使我得帝釋天宮意亦  
不樂況復人間麁弊果報而說偈言

我被煩惱箭所射

欲求寂滅膏藥塗

設使得天帝釋宮

意猶不貪況王位

菩薩復言大王當知如王前言凡天下人在  
於世間一切須取三時利者如我意觀此則  
非是真利益言所以者何求財得多會必有  
盡求欲轉欲無厭足時若言求法此是真利  
利有深淺要必須求求之則有功能五種而  
說偈言

若無生老病死患

此是真實大丈夫

求財嗜慾悉世情

我捨二求唯取法

菩薩復言大王當知如王前言但且治民取  
於王位乃至未老正少年時且可受彼五慾

法者此亦不然何以故若少年時是常住者一切衆生應無有老在在處處應不爲彼死命之鬼念念所牽以諸衆生壽命無定是故智人若求寂定解脫法者不可得取出世間王位五慾之樂是故一切若在少年若在中年或復老年但須速求應所辦者早令得辦欲求解脫或求於禪莫使淹遲宜速疾作又復大王如王前言須依家法作於祭祀及行布施隨意規求彼未來世諸果報者大王當知我今不取如是之樂若苦來逼爲切故求而得樂者此非真樂凡人求於後世果報祭祀諸天并及火神必須殺害他衆生命此

則非理所以者何若人行慈應不損害他身  
命根假使祭祀一切諸天及於火神殺害衆  
生得彼常樂定果報者猶尚不可殺害於命  
而用祭祀況復一切所得果報皆是無常破  
壞盡滅非牢固法

又復大王凡人欲行解脫法者無有別利或  
無行行或無持戒或無禪定猶尚不可損害  
他命而求未來利益果報又諸凡夫在於世  
間以殺生故假使得於安樂果者此亦不善  
所以者何以無慈故況復未來望得善報終  
無是處而說偈言

假使人生在世間

殺害他命以得樂

智者稱說此非善

况復來世求人天

尔時摩伽陀國頻頭娑羅王聞於菩薩如是語已便生希有奇特之心在菩薩前以慈悲故作如是言善哉善哉沙門瞿曇大有難行苦行之德於世間中能捨諸慾仁者比丘從於何方忽然而來何聚落生是何種姓父母何處自名字誰作是語已至心諦聽

尔時菩薩正心直視温和言氣而報王言大王當知去此北方雪山之下有大聚落名曰

釋種彼有一城名為迦毗羅婆蘓都

隋言黃頭居處

彼城有一釋種之王号名淨飯是我之父我

是其子母名摩耶

隋言幻

我名悉達

隋言成

利言



時頻頭王聞此語已泣涕悲啼經少時頌拭  
面淚已白菩薩言希有此丘旣生如是大種  
姓家云何在此林內獨行諸獸猛惡可畏可  
怖此林不善獨自娛樂無有伴侶云何得住  
坐起自安

今時菩薩報頻頭言大王當知我不畏諸  
惡禽獸亦復不驚不怖不怯設欲來者亦復  
不能動我一毛大王當知我今唯畏生老病  
死之所逼切故來在此諸惡獸中驚畏林內  
獨一無伴而自娛樂

大王當知老最可畏所以者何老來逼時能  
奪年少盛壯將去摧折身形霄脊偃僕不能

行步猶如枯樹誰喜樂看此最可畏

又復大王其病來者是名可畏所以者何平  
健之時不知不覺一朝痛切宛轉呻吟華色  
充鮮忽然悴滅煩寃楚毒眠坐不安當於是  
時誰能代者卧在床枕勢不從心以是因緣  
病最可畏

又復大王死最可畏所以者何死來之日滅  
我壽命忽撮將去雖復力能統四天下金輪  
摧伏七寶導前利刃強兵不能遮制爭奪可  
得以是義故死最怖人

尔時頻頭娑羅王復更重問於菩薩言大聖  
太子仁今求何菩薩報言摩伽大王我今求

者唯是阿耨多羅三藐三菩提得已當轉無  
上法輪是故尔耳

時頻頭王白菩薩言大聖太子如我所見仁  
心勇猛勤劬精進決定得成阿耨多羅三藐  
三菩提終無有疑又決能轉無上法輪善哉  
太子我今見仁善哉太子我聞仁名善哉太  
子仁善出家仁釋種子我從今日當常承事  
大聖太子我今請仁恒常日日來至我宮願  
數見我仁之所須四種事者我當供養不令  
乏少時頻頭王作是語已菩薩報言大王當  
知我今不久從此移去更詣餘方  
時頻頭王聞是語已合十拍掌白菩薩言大

聖太子仁心所求唯願莫有諸魔障礙所規  
獲者願早成辦仁釋種子願仁若得阿耨多  
羅三藐三菩提時我於仁邊恭敬供養見仁  
身已即當為仁作於聲聞如法弟子即便說  
偈而讚歎言

我頻頭王合掌讚

唯願太子道速成

若所作辦憶今言

為諸衆生賜憐愍

尔時菩薩聞此語已即報王言善哉大王願  
如王言所作誓願彼此俱善時頻頭王合十  
拍掌一心頂禮白菩薩言善哉太子今可為  
我受於懺悔我以無智惱亂大聖太子離慾  
以為不淨我心深慾以慾為淨唯願怨亮除

我此罪

尔時菩薩熙怡微笑報頻頭王作如是言善哉大王如是如是我以受王清淨懺悔願王安樂少病少惱謹慎身心更莫放逸恒行善法捨離非法若如是者王得安隱多受吉利是時菩薩慰喻頻頭娑羅王心法義說故令其歡喜勸請教示顯說宣揚從坐而起漸行餘處

時頻頭王即前頂禮菩薩二足圍遶三匝立地而住面向菩薩觀彌少時即從彼處迴還到宮而有偈說

菩薩印可頻頭語

我得成道當度王

思惟大聖行喜歡

不覺從山還本國

佛本行集經精進苦行品第二十九上

尔時菩薩從般荼婆山林而出安庠徒步向

伽耶城既到彼已登上伽耶尸梨沙山

隋言象頭

欲攝身心滅除諸惡上彼山已選平整處在

一樹下鋪草而坐是時菩薩內心思惟三種

譬喻悉是世間希有之事未曾聞說未曾覩

見未曾證知何等為三一者所謂若有沙門

若婆羅門雖復身體不行於慾而其彼等所

有慾中一切心意慾愛慾惱慾熱慾著而滅

不盡未得正定猶有我相自度一身彼等沙

門及婆羅門恒受苦惱意不喜者心不樂處

不能知見又復不得上仁之法亦不能證無  
畏之處然其彼等雖無我相不獨度身不受  
苦惱雖不受意不喜不樂而猶不能知見證  
法及無畏處

譬如有人取生濕木并及濕糞置於水上就  
中攢火有人故從彼岸而來就其乞火然如  
是人從生濕木濕糞水上出力攢火有能得  
火與彼人不若能得者終無是處火既不出  
彼人從求於何而得如是如是若有沙門及  
婆羅門雖不行慾乃至不能知見證法此即  
是初第一譬喻世未曾有亦未曾聞  
尔時菩薩復更第二思惟念言若諸沙門及

婆羅門雖禁制身不行於慾彼等所有慾中  
意貪熱惱及著而滅不盡未得正定猶有我  
相自度一身徒受苦惱不喜不樂不能知見  
證上仁法無畏之處又復彼等雖無我相不  
獨度身不受苦惱及不受心意不喜樂不能  
知見證上仁法及無畏處譬如有人取生濕  
木置於地上欲攢出火亦復有人來從乞火  
向其此人從生濕木攢欲求火能得於火與  
彼人不若能得者無有是處如是如是是諸  
沙門婆羅門等雖不行慾乃至不能知見證  
法此第二喻世未聞有

尔時菩薩復更第三思惟念言若諸沙門及



婆羅門雖禁節身不行於慾彼等所有慾中  
意愛惱熱及著滅盡正定此等沙門婆羅門  
等雖得自利及以利他心中喜樂能知能見  
得上仁法證無畏處譬言如有人取乾燥木及  
以乾糞置於地上欲攢出火亦復有人遠從  
此岸向其乞火而其是人用少功夫即便得  
火持與彼人如是如是若有沙門及婆羅門  
離慾而行彼等設有慾中意愛惱熱皆滅乃  
至得彼上仁之法證無畏處此是菩薩第三  
譬喻自意念生悉是世間未曾聞見  
尔時菩薩從彼伽耶尸梨沙山下來摩伽陀  
聚落內次第而行借問人言此處有何功德

可行有何非法宜須除斷我今欲求最上寂  
定最妙音辭如是前行至伽耶南有一聚落  
其聚落名優婁頻螺及至彼處日以食時菩  
薩著衣入彼聚落詣一陶家從乞瓦器得已  
手持歷彼聚落次第乞食到一村主長者之  
家然其長者名難提迦隋言自喜至彼家已却立  
一面默然而任其難提迦自喜村主有一善  
女名須闍多隋言善生彼女端正可喜無雙為諸  
世人之所樂見其善生女遙見菩薩手持瓦  
器默然立任欲乞求食善生見已從其二乳  
自然汁出時善生女問菩薩言最勝仁者仁  
是誰子是何種姓名字云何父母何處今欲

何求仁者云何有何神異令我一見使我兩  
乳汁自然流

尔時菩薩報言善姊我名悉達此名是我父  
母所立我今欲求阿耨多羅三藐三菩提得  
已當轉無上法輪時善生女聞是語已從菩  
薩手而取瓦器入自家中滿盛香美甘味飲  
食并及種種餅果羹臛溢瓦器中即出胡跪  
奉授菩薩口作是言最勝仁者我願恒常供  
養仁者衣服飲食卧具湯藥四事所須悉令  
充足唯願仁者慈悲納受我觀仁者父母立  
名復見仁者精進勇猛至意專心必當成就  
阿耨多羅三藐三菩提決定轉於無上法輪

眞實不疑仁者若成菩提道時當來我家受  
我供養度脫於我當與仁作聲聞弟子是時  
菩薩報言善姊當如所願旣受食已即便捨  
行卽時菩薩從善生女乞得食已於空靜處  
如法而食食已經行漸到一處地方平整清  
淨可喜心樂欲觀樹林蒼鬱枝條繁茂多饒  
華果清淨流渠香美諸水河池泉沼映發交  
橫種種豐饒無所乏少彼等諸水不淺不深  
澄清皎潔易渡易取其內無有毒惡諸虫周  
帀具足妙好禽獸去離聚落不近不遙往來  
乞求無疲無乏其間道陌土地坦平不下不  
高易行易涉若當有人欲求無上最勝利益

易得易成速辦速證兼絕蝥蝥及諸虫蝎又不喧鬧晝少行人往來擾亂夜斷音響安靜清閑冷暖調和風雨順節堪可修道禪定修心又往昔時有一王仙名曰伽耶隋言在中停止是彼王仙舊城居處

尔時菩薩見此地已如是思惟此中地勢快好方平暫覩即便爲人所樂乃至堪可修道行禪若有丈夫欲求無上最勝之利斷諸惡者此地足堪安止而任我今旣欲摧伏諸惡修諸善根宜應停止坐於此處以求菩提必令成就

菩薩如是心思惟已即便取草鋪坐此地欲

修習禪既坐定已心如念令諸衆生求解脫者悉行種種衆雜苦行所謂或有諸衆生輩懸任二手以捨世間一切諸事有爲法故彼等如是苦行之人或乞食時不從鉢口內受於食或有不從小口鉢內受取於食或有不從兩羊之間受取於食或有不從人糞穢間受取於食或有不從拄杖人邊受取於食或不從執刀仗人邊受其施食如是碓間及知婦人不淨來時不從受食或見婦人懷妊之時亦復不從其邊受食或知人家有不淨業不從受食或有不從酒醉人邊受取其食或有兩人喫食之時亦復不從其邊受食受

食之時有狗來前亦不受食又受食時其上  
或有蚤蚋等來不淨穢惡亦不從受或復有  
人唱响而喚來與汝食亦不從受有人唱云  
汝住與食亦不從受或人唱言我作食施汝  
當待取亦不從受有人故爲造作於食亦不  
從受或復有人祭祀諸天殘餘之食亦不從  
受食內若有沙糖石蜜亦不從受有蘓油等  
亦不從受食內或有乳酪等物亦不從受食  
內若有魚雜肉等亦不從受或食內有興渠  
臭薰諸辛味等亦不從受或復止受一家之  
食齊一口止或受二家至兩口止乃至或受  
七家之食還復食於七口而止或復一日止

一時食或復一日兩時而食或一日半始喫  
於食或經三日乃喫一食或時一日少許而  
食或時兩日亦少許食乃至七日亦少許食  
或唯食菜或唯食稗或復唯食樹嫩枝條或  
唯食酪或復唯食迦尼迦羅樹之枝柯或復  
有時純食羊糞或復有時純食牛糞或烏麻  
滓或雜果子或食諸種一切草根或食藕根  
或食種種草軟枝條

或復有唯空飲於水而以活命或有隨宜所  
得多少即以活命或復有學野獸食草以活  
於命或時立地卓然而住或復有坐一定不  
移或復四支拄著於地以口受食或有唯著



純草之衣

或有唯著塚間弊衣或復有著種種草衣或復有著僑奢耶衣或以白桃皮作衣者或以龍鬚而作衣者或復有用諸畜生皮而作衣者或復有用故畜生皮而作衣者或有以諸毛毳作衣或有破諸畜生之皮爲條作衣或復有以糞掃作衣或有躰形或卧棘上或卧板上或復有卧摩尼之上或卧椽上或卧塚間或蟻垤內猶如蚰居或露地卧或復事水或復事火或逐日轉或有舉其兩臂而住或有蹲坐或復有用沙土烟塵以塗全身正立而住或不梳洗頭

首面目髮如螺髻拳攣而住或復拔髮或拔  
髮鬚

或復有事泉池井河渠源諸神地神樹神林

神山神石神夜叉羅刹羅睺隋言阿脩羅王

婆梨隋言阿脩羅王毗摩質多羅隋言睺婆

利等阿脩羅王或事歲星或有事醫藥王仙

人或事婆羅墮仙人者或復有事瞿曇仙人

或事毗沙門天王者或復有事童子之天或

自在天或復事日或復事月或復有事那羅

延天或帝釋天或事梵天或事護世四大諸

天如是各事令歡喜已從乞求願稱願得已

各求解脫菩薩既觀彼等如是邪求解脫見



聲氣猶如攢蘓在大甕裏搖攪於酪出大音  
聲如是如是菩薩閉其口鼻之氣不使出時  
於兩耳孔出風氣聲亦復如是菩薩復念我  
今已發精進之心無處染著捨於懈怠乃至  
如是最上苦行最勝難行重復思惟我可更  
入不動三昧

尔時菩薩既寂定身及口意已還止口鼻及  
耳喘息一切皆杜既口鼻耳悉寂定已內風  
壯大不得出故氣衝於頂譬如勇健最大力  
人取好利斧打捧他腦如是如是菩薩從其  
口鼻及耳閉氣不出內風壯故打腦之聲亦  
復如是菩薩復念我今已發精進之心無處

染著捨於懈怠乃至如是最上苦行最勝苦  
行思惟是已即便更入不動三昧

尔時菩薩從口鼻耳及頂喘息一切皆停不  
令其出乃至遮止不得出故內風強盛在兩  
肋間迴轉鼓動譬如屠兒或屠兒子善解殺  
牛而彼屠等或執利劍或捉利刀而破牛肚  
或復破脇如是如是菩薩乃至內風強故兩  
肋間轉穿破之聲亦復如是思惟是已乃至  
更發精進之心最勝苦行我今還入不動三昧  
尔時菩薩從口鼻耳閉氣不出內風強故令  
身熱惱譬如最大二壯力士取一弱人各執  
一臂將其向彼大火聚上或燔或炙如是如

是菩薩以內氣不出故身受熱惱亦復如是  
思惟是已乃至更發精進之心一切無著已  
捨懈怠得於正念心不散亂一切寂靜身口  
及意並得正受如是勝妙最上苦行

尔時上界有諸天來見於菩薩如是苦行各  
相謂言今此悉達大智太子已取命終而彼  
衆中復更別有其餘天子共相謂言此之悉  
達太子現今其命未終始欲取盡或復更有  
諸天子言此之悉達大聖太子現亦不死後  
亦不終何以故此之太子是阿羅漢凡羅漢  
者有如是行不須恠之  
尔時菩薩在彼蘭若所用心處作苦行時即

得成於最大苦行是時菩薩坐處四面周而  
所有隣比聚落諸人皆來見於菩薩如是苦  
行作如是言此沙門既行大苦行是故立名  
言大沙門大沙門名起於彼唱以是義故有  
此名稱

尔時菩薩復更如是思惟世間或有沙門或  
婆羅門制限食故而建立行各守清淨彼等  
或復唯食於麥或食煮麥或食麥屑或以麥  
作種種諸食而以活命如是更復或食烏麻  
或食粳米或食小豆或食大豆乃至或食純  
大豆飯或大豆汁或大豆屑或以大豆作種  
種食持用活命或有沙門及婆羅門斷一切

食建立淨行我今亦可斷一切食而行苦行  
菩薩如是心思惟已

尔時彼處忽有諸天隱身不現來菩薩所白  
菩薩言大聖仁者願莫如是思惟此念欲得  
令斷一切不食所以者何仁今若欲斷一切  
食而行行者我等諸天各將一切天味下來  
入於仁者毛孔之中而令仁者得存活命又  
復仁者不損害身

尔時菩薩聞此語已如是思惟我今既語一  
切人言我全不噉一切諸食而今諸天自隱  
其身將天味來入我毛孔令我活命此則是  
我最大妄語誑惑一切如是念已告彼天言



汝等諸天雖有此心是事不然

今時菩薩斷彼諸天如是意已日別止食一粒烏麻或一粳米小豆大豆綠豆赤豆大麥小麦如是日日各別一粒是時菩薩復更思惟我今可以手掌盛取少少汁飲而活於命或小豆臙赤豆豌豆綠豆臙等

今時去彼聚落不遠其中有一最大種姓婆羅門名斯那耶那

隋言將兵將

彼婆羅門從摩伽

國頻頭王邊得一聚落以為封邑其邑即與優婁頻螺聚落相近彼婆羅門得封邑已還立字名斯那耶那復更別有一婆羅門名曰提婆

隋言天

彼婆羅門生地在他迦毗羅城經

營一事漸漸行至斯那耶那村邑而住少日  
爲客是時提婆婆羅門更經營別事因行漸  
至菩薩住林時其提婆婆羅門見菩薩在林  
行大苦行見已即識作如是言此是我國悉  
達太子乃能如是行大苦行彼見菩薩如是  
苦行心大歡喜

尔時菩薩見彼提婆婆羅門心向於菩薩生  
歡喜已即告提婆婆羅門言大婆羅門汝能  
爲我辦少許食活我已不若小豆臙大豆綠  
豆赤豆等羹而我食之持用活命彼婆羅門  
心狹劣故少見少知無廣大意欲行布施迷  
可此語報菩薩言大聖太子如是之食我能

辦之彼婆羅門於六年中日別如上所須之  
食以供菩薩菩薩日日受取此食依法而食  
以活身命

余時菩薩恒以手掌日別從受隨得少許而  
食活命或小豆臙及赤豆等是時菩薩受食  
既少隨掌所容如上所說諸豆汁食菩薩如  
是食彼食已身體羸瘦喘息甚弱如八九十  
衰朽老公全無氣力手脚不隨如是如是菩  
薩支節連骸亦然菩薩如斯減少食飲精勤  
苦行身體皮膚皆悉皴皴譬如苦瓠未好成  
熟割斷其蒂置於日中被炙萎黃其色以熟  
肌枯皮皴片片自離如枯頭骨如是如是菩

薩鬪體猶是無異菩薩既以少進食故其兩  
眼精深遠陷入猶井底水望見星宿如是如  
是菩薩兩眼覩之纔現亦復如是又復菩薩  
以少食故其兩脅肋離離相遠唯有皮裹譬  
如牛舍或復羊舍上著椽木時彼聚落所有  
羊子牛子馬子行於彼林見於菩薩如是苦  
行見已各各生大歡喜發希有心恒常承事  
供養菩薩

佛本行集經卷第二十四

業

偃亞

偃息也  
亞倚也

危脆

下取  
反

淹遲

上一  
反

偃僂

上紆  
反

下呂  
反

悴減

上才  
反

撮

七活  
反

怒亮

上音  
尙

下

觀瞻

蜀下音 攢 鑽 非子官反上 坦 平 窄反他 燥 煖 蘇老反

羹 臙 又呼各反 溢 夷 一 蚤 蚤 莫上音文下 魚 竭

正下許謂 反 碓 對音 唱 吟 口下呼 興 蕖 渠下音 稗 蒲賣

嫩 反 枝 柯 歌下音 滓 側史 毛 毳 下音 髀 形

上郎 反 椽 直 緣 蟻 垤 結下徒 蹲 坐 存上音 盆 蒲悶 拳

變 上巨 反 鬚 鬣 即斯反 頰 婆 上失 築 竹音

腭 齧 非吾各反上 腋 亦音 攢 子官 甕 於音 攬 自敢

皆 杜 下徒 斧 音甫 棒 蒲講 脅 脇 虛業反 隣

比 毗下音 屑 先結 粳 粒 二音庚 豆 臙 各反呼 蜜 碗

鳥官反 及 膚 夫下音 破 赦 下側瘦反 瓠 護 蒂 帝音

肌 飢音 陷 咸字 繞 才音 燔 燒音煩

下正 反 及 膚 夫下音 破 赦 下側瘦反 瓠 護 蒂 帝音

